



Čhaveskiri čhib taro džigde 6 masek

Hari bašo tlo 6-e masekongoro čhavo/čhaj

- Tlo čhavo isi te dikhel but buča ko sveto! Dikh so dikhela o čhavo hem čhiv lafi bašo odova. Dikh barabar e čhavea sa odova soj interesno, tikno, baro!
- Tlo čhavo panda akana vakerela tuja odolea so sikavela tuke plo muj, glaso hem pokretia. Panda hari o čhavo ka lel te guginel glasoncar so ličinena sar disave lafija sar soj *da-da* hem *ta-ta*.
- Tlo čhavo ka lel te haljovel pohari pohari o lafija sar soj dikh hem o lafija *daj* hem *dad*.
- Tlo čhavo mangela te vakerel tuja, te khelel tuja phanle jakha hem te pratinel tle obična khelibaske-re pokretija sar soj *Imse vimse spindel* hem *Pek pek tikni gudli bokoli*.

Vaker bašo sa

Vaker tle čhavea bašo sa so ovela hem so cidela tle čhaveskoro interesi. Vaker bašo hajbe, bašo šeja, odova so dikhena hem bašo odova so kerela o čhavo. Šun aktivno e čhave, tegani o čhavo mangela te vakerel ponodori. De dovolno vreme!

Ker javerčhane hem ker pale

Vaker pale sar e čhaveskere glasija, pendžar so značinel odova hem čhiv lafi. Angleder te produžine adžiker džikote o čhavo te odgovorinel glasija ja pale pokreteja. O čhavo sikljola panda akana te adžikerel plo redo bašo vakeribe hem te haljovel o phanibe maškar o lafi hem o buča.

Khel e čhibaja

Giljav gilja, rimin hem vaker gilja hem khel e khelibaskere gilencar. Koristin e vastengere hem prengere naja, ker čirikljane glasija, glasija sar i mečka hem ker peras! Ki tli biblioteka isi ljila, gilja hem muzika so šaj te le khere udžule (uzajem).

Vaker – čitin (drabar) jekhethane

Ked o čhavo ka šaj te pratinel odova tu so dikhea hem keda ka šaj te pratinel e naeskoro sikavibe tegani ka ovel šukar vreme bašo najsikavibaskoro ljil. Sikav naeja hem haljovker o slike. Dikh šukar taro so i tlo čhavo interesirimo. Ko početko o interesi i kratko, ama hari po hari bajrola e čhaveskoro šaipa te fokusirinel.

Vaker ki tli dajakiri čhib

Vaker, giljav hem čitin (drabar) ki tli dajakiri čhib. Pherdo čhave ko sveto dživdinena ko butčhibjale thana, a odova i samo šukar te šaj te bajrove bute čhibjencar.


Dikh hari buteder

- Čitin buteder bašo Bokstart akate: www.bokstart.se
- te sian sekirim/i/o baše tle čhaveskoro čhibjakoro angledžajbe, kontaktirin e čhavengere ambolanta. Tu šaj te diskutirine tle čhaveskoro čhibjakoro angledžajbe e angloškolakere personalea.

Kulturrådet isi ole dindo buti tari vlada te vazdel hem te del šajipe bašo čitibe hem te stimilirinel e tikne čhavengoro čhibjakoro angledžajbe. O Bokstart i jek nacionalno uložibe so obratinela pe e dajenge-dadenge hem bare manušenge kori so isi čhave.

KULTURRÅDET

Bokstart



Čhaveskiri čhib taro komaj 1 berš

Hari baše tle čhaveskiri čhib taro 1 berš

- O čhavo koristinela gestija hem glaso ki te mothovel tuke diso.
- Ko prvo lafija vakerel pe bašo o buča so koristinena pe akate hem akana, sar soj topka/lopta hem dikh.
- Tlo čhavo haljovela buteder lafija ama naši vakerela olen odoborom but, odoleske trebela oleske pomoč te šaj te tumačinel olen hem te komentririnel olen.

Pratin e čhaveskoro interesi

Tu šaj te koristine sa so dikhena hem kerena ko sakodivestunipe kaj te šaj te džal pe angle e čhaveskere čhibaja. Ker lafi taro odova so kerela o čhavo baš akana. Keda o čhavo vakerela da hem sikavela naeja ki mačka tegani tu šaj te vakere : Oja, odoja i mačka. Mangea tu e mačka? Ma bistre te adžikere e čhaveskoro odgovor.

De pažnja hem šun

Keda deja e čhaveske dovolno pažnja hem šuneja šukar tegani o čhavo ka haljovl kaj tu mislineja kaj i poruka i važno, tegani o čhavo ka vakerel jek lafi ja pale ka del diso javer pestar. Taro tle odgovorija sikljola o čhavo kaj manuš trebela te adžikerel plo redo bašo odgovor ko vakeribe.

Khel e čhibaja

Giljav gilja, rimin hem vaker gilja hem khel e khelibaske-re gilencar. Koristin e vastengere hem prengere naja, ker čirikljane glasija, glasija sar i mečka hem ker peras!

Arakh disavo vakeribe hem mothov

Mothov so kerela e čhaveskoro mendo ja pale kori džala o aftobuzi avri. Vaker bašo e familijakere ja pale e amalengere slike. E čhaveske trebela te šunel neve lafija buteder vare ko razna situacije.

Čitin ednostavna slikaleljila

Akana šaj te len te koristinen slikaleljila. Ko početko dikhena ko slike hem sikavena najea zaedno. Polokhe i keda tu prvo mothovea , ponodori šaj o čhavo te šunel e lileskoro teksti. Ki tli biblioteka isi tipsi save ljila šaj te le udžule (uzajmine) khere.

Vaker ki tli dajakiri čhib

Vaker, giljav hem čitin (drabar) ki tli dajakiri čhib. Pherdo čhave ko sveto dživdinena ko butčhibjale thana, a odova i samo šukar te šaj te bajrove bute čhibjencar.

Dikh hari buteder

- Čitin buteder bašo Bokstart akate: www.bokstart.se
- Te sian sekirim/i/o baše tle čhaveskoro čhib-jakoro angledžajbe, kontaktirin e čhavengere ambolanta. Tu šaj te diskutirine tle čhaveskoro čhibjakoro angledžajbe e angloškolakere personalea.

Kulturrådet isi ole dindo buti tari vlada te vazdel hem te del šajipe bašo čitibe hem te stimilirinel e tikne čhavengoro čhibjakoro angledžajbe. O Bokstart i jek nacionalno uložibe so obratinela pe e dajenge-dadenge hem bare manušenge kori so isi čhave.

KULTURRÅDET

Bokstart



Čhaveskiri čhib taro džigde 18 masek

Hari baše tle čhaveskiri čhib taro 18 masekija

- But čhave ko akala masekija haljovena jek 200 sako-divesutne lafija.
- O čhavo koristinela korkori disave lafija, ama o lafija šaj te značinen javera buča ko javera situacije.
- Disave čhave lena te phanden o lafija, ko primer daj vrda ja pale džukloro odori.

Vakeren but jek javerea

Vakeren so kerena ko sa o javera situacije. Mothov e čhaveso so ovela hem čhiv lafi bašo odova so kerena. Šun šukar so mangela hem so mislinela o čhavo. De tle čhaveske dovolno vreme.

Zoraker tle čhave ko odova so phenela hem dikh te džal angle

Keda tu koristineja e čhaveskere lafija hem čhiveja tle neve lafija, tegani pomožineja e čhaveske te džal angle ple čhibaja. Te phendža o čhavo "hamham" tegani šaj vakereja: Oja odova i hajbe hem akana ka ha. Tlo čhavo te phendža mata ko than baši mačka odova nane ništo čudno bašo odola berša. Ma popravin e čhave nego tu koristin korkori o lafi mačka kaj te šaj o čhavo te šunel sar odova vakerela pe.

Čhiv tut ko čhaveskoro sveto

But i polokhe te sikljol pe neve buča te čičan tut andre ko odova so o čhavo več pendžarela. Te dikhlen jek slika pantolkencar, tu šaj te sikave upro oleskere pantolke hem te phene: tute da isi pantolke, isto sar e čhave ko ljil.

Kulturrådet isi ole dindo buti tari vlada te vazdel hem te del šajipe bašo čitibe hem te stimulirinel e tikne čhavengoro čhibjakoro angledžajbe. O Bokstart i jek nacionalno uložište so obratinela pe e dajenge-dadenge hem bare manušenge kori so isi čhave.

KULTURRÅDET

Vakeribaskoro – čitibe zaedno (barabar)

Akana e čhave isi korist taro but ljila bašo save šaj te vakeren zaedno. Čhiv phravde pučiba te ulo diso ko ljila hem phan odova e čhaveskere iskustvoja: So mislinea tu...? Anea tle godžate...?

Vaker tle dajakiri čhib

Vaker, giljav hem čitin (drabar) ki tli dajakiri čhib. Pherdo čhave ko sveto dživdinena ko butčhibjale thana, a odova i samo šukar te šaj te bajrove bute čhibjencar.

Dikh hari buteder

- Čitin buteder bašo Bokstart akate: www.bokstart.se
- Te sian sekirim/i/o baše tle čhaveskoro čhibjakoro angledžajbe, kontaktirin e čhavengere ambolanta. Tu šaj te diskutirine tle čhaveskoro čhibjakoro angledžajbe e angloškolakere personalea.

Bokstart



Čhaveskiri čhib taro komaj 3 berša

Hari baše čhaveskiri čhib taro 3 berš

- Pherdo čhave akana haljovena buteder šela lafija. Ola akana phandena o lafija hem lena te keren kratko razgovorija.
- O čhavo čhivela pherdo pučiba hem lela te haljovel sar koristinena pe o lafija hem kaj manuš šaj te khelel olencar.
- Tlo čhavo lela te mothovel bašo odola buča so doži-vindža hem mangela te šunel tut keda tu vakereja.

Arakhibe o bukve/slove hem lafija

Ko angloškolakere berša but čhave i interesirime taro bukve/slove hem lafija. Keda tlo čhavo sikavel interesi te-gani čitin hem sikav ko plakatija hem paketija. Arakhen zaedno o nišanija hem simbolija bašo odova so vakerena hem so odova značinela.

Haljovker neve lafija

Ka ovel but šukar te koristine neve lafija bašo odova so ovela hem so dikhena ko sakovadivesutnipe. Haljovker o lafi so na haljola o čhavo: o more i jek vrsta ezero/jezero, samo soj but pobaro. Ja pale : Keda džaja ki plaža tegani nandžovaja ko more.

Vakeribe

Vaker bašo odova so ulo ko jek dive. Pratin odova so šundžan ja pale dikhlan so kerdža o čhavo ki angliško-la hem nudin e čhave te vakerel buteder. But maškar e trine beršengere čhave na vakerena o lafija sar amen o bare. Te šundžan jek lafi soj vakerdo javerčhane tu šaj te vakere ole sar so vakerela pe kaj te šaj o čhavo ponodori te vakerel ole sar so trebela.

Čitinen zaedno (barabar)

Ker te ovel tumen jek navika te čitinen hari sakova dive. Bute čhaven isi olen olengoro favoriti ljil so ola mangena te čininen buteder vare. O slikaleljila akana šaj te ovel olen pophare paramisa ama panda i o vakeribaskoro – čitibe so važinela. Nudin e čhave te vakerel bašo so vakerela pe ko ljil hem ker te šaj te pučel odole vremeske. Keda o čhavo pučela, adžiker, šun hem mislinen zaedno.

Ma bistre kaj o khelibe i e čhaveskoro najšukar čhani te sikljol. Odoleske khel, čitin, giljav hem mothoven zaedno. O rimia hem o gilja panda zabavinena. Te čitinen pe ljila i panda najšukar čhani te sikljon pe neve lafija!

Vaker ki tli dajakiri čhib

Vaker, giljav hem čitin (drabar) ki tli dajakiri čhib. Pherdo čhave ko sveto dživdinena ko butčhibjale thana, a odova i samo šukar te šaj te bajrove bute čhibjencar.

Dikh hari buteder

- Čitin buteder bašo Bokstart akate: www.bokstart.se
- Te sian sekirim/i/o baše tle čhaveskoro čhib-jakoro angledžajbe, kontaktirin e čhavengere ambolanta. Tu šaj te diskutirine tle čhaveskoro čhibjakoro angledžajbe e angloškolakere per-sonalea.

Kulturrådet isi ole dindo buti tari vlada te vazdel hem te del šajipe bašo čitibe hem te stimilirinel e tikne čhavengoro čhibjakoro angledžajbe. O Bokstart i jek nacionalno uloži-be so obratinela pe e dajenge-dadenge hem bare manušenge kori so isi čhave.

KULTURRÅDET

Bokstart